

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZA BORAČKA PITANJA**

Na osnovu dijela 5. Programa podsticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima za 2026. godinu broj: 02-11-8460/26 od 24.04.2026. godine (u daljem tekstu: Program), gradska/općinska Služba \_\_\_\_\_ objavljuje

**JAVNI POZIV  
za dodjelu podsticaja zapošljavanja pripadnika branilačke populacije  
Zeničko-dobojskog kantona putem zapošljavanja u pravnim licima u 2026. godini**

**I. Predmet oglasa**

Obavještavaju se branioci i članovi njihovih porodica sa prebivalištem na području općine/gradu \_\_\_\_\_, koji ostvaruju osnovna prava iz branilačko-invalidske zaštite u općini/gradu \_\_\_\_\_ i koji su na evidenciji nadležnog organa za vojne evidencije u općini/gradu \_\_\_\_\_ **o mogućnosti podnošenja zahtjeva za dodjelu novčanih sredstava u svrhu podsticaja zapošljavanja.**

Programom podsticaja zapošljavanja povećava se konkurentnost podnosioca zahtjeva, pripadnika branilačke populacije, na način da isti, aktivno nastupajući na tržištu rada, traže zaposlenje uz bjanko primjerak Ugovora o zapošljavanju kojim će se precizirati obaveze poslodavca, podnosioca zahtjeva, općine/gradu i Ministarstva. Predmetnim Ugovorom se Ministarstvo obavezuje obročno isplatiti podsticaj poslodavcu, a poslodavac se obavezuje zaključiti sa korisnikom Ugovor o radu u trajanju od najmanje 24 mjeseca.

**II. Pravo učešća na Javnom pozivu imaju:**

- a) dobitnik ratnog priznanja i odlikovanja;
- b) ratni vojni invalid;
- c) demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu;
- d) član porodice šehida, poginulih, umrlih i nestalih branilaca-korisnik porodične invalidnine;
- e) član porodice poginulog, umrlog i nestalog dobitnika ratnog priznanja i odlikovanja -korisnik mjesečnog novčanog dodatka;
- f) član porodice umrlog ratnog vojnog invalida - korisnik porodične invalidnine i
- g) član porodice umrlog demobiliziranog branioca - supružnik koji nije zasnovao bračnu ili vanbračnu zajednicu i dijete dok je na redovnom školovanju.

**Posebni korisnici**

- a) dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja kojem je prestalo pravo na mjesečni novčani dodatak;
- b) dijete umrlog ratnog vojnog invalida kojem je prestalo pravo na porodičnu invalidninu do navršene 35 godine života;
- c) dijete umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu, do navršениh 35 godina života;
- d) dijete dobitnika ratnog priznanja i odlikovanja, do navršениh 30 godina života;
- e) dijete ratnog vojnog invalida do navršениh 30 godina života i

- f) dijete demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu, do navršениh 30 godina života.

Lista posebnih korisnika – djece demobiliziranih branilaca formirat će se shodno učešću roditelja u sastavu Oružanih snaga u periodu od 06.04.1992. do 23.12.1995. godine, odnosno prioritet će imati korisnici čiji su roditelji proveli veći broj mjeseci u Oružanim snagama u navedenom periodu. Navedena lista će se formirati na nivou grada/općine od strane gradske/općinske komisije.

### **III. Potrebna dokumentacija koju prilažu kandidati za dodjelu sredstava (original ili ovjerene kopije ne starije od 3 mjeseca od dana podnošenja zahtjeva):**

#### **- za pripadnike branilačke populacije:**

- a) zahtjev za podsticajna novčana sredstva;
- b) dokaz o pripadnosti branilačkoj populaciji: rješenje nadležne gradske/općinske službe o priznavanju svojstva dobitnika ratnog priznanja i odlikovanja i ratnog vojnog invalida, odnosno člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja i odlikovanja, ili uvjerenje nadležnog organa izdatog u skladu sa Zakonom o upravnom postupku ("Službene novine FBiH" broj 2/98, 48/99 i 61/22), a demobilizirani braniocu uvjerenje VFMB-3a izdato od strane nadležne Grupe za pitanja evidencija iz oblasti vojne obaveze;
- c) uvjerenje o kretanju izdata od nadležnog MUP-a (Uvjerenje PBA-4A);
- d) uvjerenje nadležne Službe za zapošljavanje da se podnosilac zahtjeva nalazi na evidenciji nezaposlenih lica;
- e) obrazac JS 3650 (Informacija o uplaćenim doprinosima) izdat od nadležne Poreske uprave;
- f) izjava o zajedničkom domaćinstvu (kućna lista) – za aplikante djecu demobiliziranih branilaca;
- g) izjava supruge umrlog demobiliziranog branioca da je sa istim živjela u braku najmanje dvije posljednje godine dana prije smrti

Nakon pregleda prijave gradska/općinska komisija, koja je utvrdila urednost dokumentacije, poziva podnosioca zahtjeva da preuzime neovjeren Ugovor o zapošljavanju. Podnosilac zahtjeva je dužan, nakon ovjere ugovora od strane poslodavca, isti dostaviti gradskoj/općinskoj službi, uz sljedeću dokumentaciju o poslodavcu:

- a) rješenje o registraciji (za privredne subjekte);
- b) uvjerenje nadležne poreske uprave o uplaćenim doprinosima;
- c) uvjerenje nadležne poreske uprave o uplaćenim direktnim porezima;
- d) uvjerenje Uprave za indirektno oporezivanje o uplaćenim indirektnim porezima.

### **IV. Visina sredstva**

- 12.860,00 KM po jednom novozaposlenom radniku;

### **V. Postupak odobravanja sredstava**

Zahtjev za podsticaj zapošljavanja zainteresovani kandidati podnose na obrascu kojeg propisuje ministar Ministarstva, uz obavezno prilaganje kompletne dokumentacije, kao dokaza o ispunjavanju uslova Javnog poziva.

Sve potrebne informacije mogu se dobiti u nadležnoj Službi branilačko-invalidske zaštite općine/grada i Ministarstvu.

**VI. Prijave na oglas se mogu izvršiti zaključno sa 25.05.2026. godine.**

**VII. Podnošenje zahtjeva**

Obrasce zahtjeva zainteresovani kandidati mogu preuzeti u nadležnoj službi općine/grada \_\_\_\_\_.

Podnosilac je dužan svojeručno potpisati zahtjev, kojim potvrđuje da je priložio svu potrebnu dokumentaciju traženu Javnim pozivom (original ili ovjerene kopije ne starije od 3 mjeseca od dana podnošenja zahtjeva).

Zahtjevi sa kompletiranom dokumentacijom dostavljaju se nadležnoj službi općine/grada.

**Nepotpuni, neblagovremeni i neuredni zahtjevi neće biti uzeti u razmatranje.**

Sve imenice upotrebljene u muškom ili ženskom rodu u ovom Javnom pozivu odnose se oba spola.

Broj: 13/03-3-1-11-6950-3/26

Datum: 28.04.2026. godine